

Koejawel Nuus

Koejawel Produsente Vereniging Guava Producers' Association

Hoofstraat 258 Main Road

PAARL 7646

Posbus 426 P O Box

PAARL 7620

☎ [021] 872-1501

Fax [021] 872-2675

✉ : victor@guavas.co.za

🌐 : www.guavaproducers.co.za

Redakteur/ Editor Wiehahn Victor

Inhoudsopgawe / Index

	Bladsy
1. Inhoudsopgawe	1
2. Uitnodiging na Algemene Jaarvergadering & Inligtingsdag	2
3. Bedryfsaangeleenthede	3
4. Mededingings Kommissie Klagte	4
5. Nominasie van Bestuurslede	5
6. Sakelys	6
7. Notule van vorige Algemene Jaarvergadering	7 – 11
8. Webwerf	11

UITNODIGING

U word hartlik uitgenooi na die

ALGEMENE JAARVERGADERING & INLIGTINGSDAG

van die

Koejawel Produsente Vereniging

- DATUM : Maandag 11 April 2011
- TYD : 17:00
- PLEK : Klein Dakenstein Laerskool
Paarl
- ETE : Vingerete na afloop van die vergadering
- RSVP : Vòòr Woensdag 6 April 2011
(Telefoon : [021] 8721501)

SAKELYS, NOTULE & ROETEKART

Op bladsy 7 tot 12

BEDRYFSAANGELEENTHEDE

GENERIESE PROMOSIE

Gedurende 2010 is voortgebou op die vorige twee jaar se suksesse met die generiese promosie van koejawels. Die Vereniging het weereens van Lethu Marketing se dienste gebruik gemaak om die promosie te doen.

Die hoofdoel van die promosie was om voort te bou op die fondasie wat reeds gelê is, maar om spesifiek voordeel te probeer trek uit die Wêreld Sokker beker in Suid-Afrika. Vir dié doel is op hotelle, gastehuse en restaurante gefokus met promosie materiaal.

Volledige verslag van 2010 se promosie asook 2011 se beplanning, sal gedurende die Algemene Jaarvergadering gedoen word. Die Webwerf van die Vereniging is ook opgegradeer en in Afrikaans bereikbaar.

SPUITSTOF ONTLEDINGS

Die Vereniging wil produsente weereens herinner dat monsters vir chemiese spuitstof ontleding getrek sal word in die komende seisoen. Alle lewerings van koejawels sal hieraan onderhewig wees en u ernstige aandag aan die saak is nodig.

Die bedryf gaan ook weer hierdie jaar vir swaar metale ontledings laat doen.

LEDEHEFFINGS

Produsente met uitstaande ledegelde vir 2010 vir koejawels wat vars bemark is, moet dit asseblief tydens die Algemene jaarvergadering oorbetal of in die Vereniging se rekening inbetaal.

Ledeheffings beloop R4-00 per ton koejawels verkoop in die varsmark.

ABSA Bank, Paarl, Rekening no. 400 159 459.

U ondersteuning vir u Vereniging word waardeer.

MEDEDINGINGS KOMMISSIE KLAGTE

Die Mededingings Kommissie het die klagte gelê deur Breede Valley Fruit Processors teen Boland Pulp en die Koejawel Produsente Vereniging na die Mededings Tribunaal verwys vir uitspraak. Die klagte handel oor beweerde prysbinding tussen Boland Pulp en die Koejawel Produsente Vereniging.

In sy ondersoek van die klagte deur Breede Valley Processors het die Mededings Kommissie tot die slotsom gekom dat daar moontlike oortreding van Seksie 4 (1) (b) van die Mededingingswet 89 van 1998 kan wees. Intussen is die Vereniging besig om regsadvies in te win oor die aangeleentheid.

IN MEMORIAM CORNEL GROBBELAAR



Oom Cornel Grobbelaar van die plaas Modderkloof is op 29 Januarie 2011 in die ouderdom van 80 jaar oorlede.

Hy het met trots gesê : “Ek ken die koejawel” en dit is nie verniet dat hy die “Koejawel koning” genoem is nie.

Die Koejawelbedryf eer sy nagedagtenis met opregte waardering.

Sterkte en vertroosting word die familie toegebied.

NOMINASIES VAN BESTUURSLEDE

Elke lid van die Koejawel Produsente Vereniging het reg tot nominasie van Bestuurslede. Vir die doel word 'n aparte nominasie vorm hiermee aangeheg.

Tans word die onderskeie streke deur een persoon elk verteenwoordig. 'n Verdere aantal persone, tans twee, word deur die Algemene Jaarvergadering verkies om koejawels in die algemeen te verteenwoordig. Volgens die Grondwet van die Vereniging kan 'n maksimum van drie persone as verkose Bestuurslede verkies word.

Die Bestuur het dan die verdere reg tot koöptasie van twee lede.

Nominasie vorms moet behoorlik deur twee persone onderteken word. Gebruik u demokratiese reg!

Skriftelike getekende nominasies vir die bestuur kan gedoen word en moet die kantoor van die Vereniging voor die vergadering bereik.



ALGEMENE JAARVERGADERING OP MAANDAG
11 APRIL 2011 OM 17:00 TE
KLEIN DRAKENSTEIN LAERSKOOL, PAARL

SAKELYS

1. Opening
2. Verwelkoming
3. Teenwoordigheid & Verskonings
4. Verklaring in terme van die Mededingingswet
5. Notule van vorige Algemene Jaarvergadering gehou op 12 April 2010
6. Sake uit Notule
7. Finansiële Verslag - Mnr Wiehahn Victor
8. Generiese Promosie Verslag - Mnr Wiehahn Victor
9. Voorsittersverslag - Mnr Dos Joubert
10. Bespreking van Bedryfsaangeleenthede
11. Verkiesing van Bestuurslede
12. Algemeen

A J Joubert
VOORSITTER

NOTULE VAN DIE ALGEMENE JAARVERGADERING
GEHOU OP 12 APRIL 2010 OM 17:00 TE
Kleinevalleij, WELLINGTON

1. OPENING & VERWELKOMING

Die Voorsitter, mnr D Joubert heet almal welkom. Mnr. W Grobbelaar open die vergadering met gebed.

3. TEENWOORDIGHEID & VERSKONINGS

Die vergadering word deur 47 persone bygewoon.

VERSKONINGS

Daan Viljoen
Billy Robertson
Retief Joubert

4. NOTULE VAN VORIGE ALGEMENE JAARVERGADERING

Die notule van die Algemene Jaarvergadering gehou op 20 April 2009 is aan die produsente versprei en word as gelese aanvaar. Mnr W Grobbelaar stel voor dat die notule korrek is, dit word gesecondeer. Die notule word goedgekeur en onderteken.

5. SAKE UIT NOTULE

Geen sake uit die notule vir bespreking.

6. FINANSIËLE VERSLAG

6.1 GEOUDITEURDE STATE SOOS OP 28 FEBRUARIE 2010

Mnr Wiehahn Victor bespreek die geouditeurde state.

Die volgende bedrae is uitgelig :

Vrywillige heffings	R 145 336
Rente	R 22 483
Bedryfsuitgawes	R 242 413
Netto Surplus(-tekort)	(- R 74 594)
Balanstaat Saldo	R 349 489

Die geouditeurde state word goedgekeur en onderteken.

6.2 OUDITEURE

Die ouditeure Broodryk De Villiers van Wellington word weer goedgekeur vir die volgende jaar.

Daar is 'n voorstel en 'n sekondant vir die besluit.

6.3 HEFFINGS

Heffings vir die volgende seisoen is dieselfde as die vorige jaar nl.

R4-00	per ton van die produsent
R4-00	per ton van die verwerkers
R4-00	per ton vir vars verkope

7. GENERIESE PROMOSIE VERSLAG

Die Bestuurder, mnr Victor doen verslag oor die Generiese Promosie wat die afgelope jaar gedoen is. Lethu Marketing is weer vir die doel gebruik.

Die volgende aspekte van koejawels is in die promosie beklemtoon:

1. Om die gebruikswaarde te promoveer
2. Gesondheidswaarde
3. Fokus op kinders
4. Besigheidswêreld : Ekonomiese waarde

Die goeie boodskap van die koejawel is in 39 tydskrifte, nuusbriewe, koerante, radio en tv uitgedra.

Die Vereniging het R125 000 aan promosie spandeer waarvan die Departement Handel en Nywerheid 80% bygedra het en die Vereniging 20% (R25 000).

Die advertensiewaarde van die promosie-veldtog word op R1,7 miljoen beraam, terwyl die dekkingswaarde op R6,8 miljoen gereken word. Daar is 23 miljoen mense met die boodskap van die koejawel bereik.

By die volgende skoue oorsee is koejawels uitgestal :
Indië ; China ; Anuga (Duitsland)

Verder is die webwerf van die Vereniging opgegradeer om meer verbruiksvriendelik te wees en koejawels te promoveer.

Vir die nuwe seisoen verskuif die fokus van die pers na die verbruiker.

8. VOORSITTERSVERSLAG

Die Voorsitter, mnr D Joubert lewer 'n baie insigewende Voorsittersverslag. Hierdie verslag is by die kantoor ter insae beskikbaar. (Dokument 3/2010). Die volgende word onder andere gerapporteer :

Die 2009-Oes

18 400 ton koejawels is verwerk.

± 6 000 ton is vars verkoop.

24 400 ton in totaal

Gegewe die marktoestande van vraag en aanbod, behoort daar dieselfde pryse as in 2009 betaal te word vir koejawels.

Die produsente word aangeraai om self te onderhandel vir koejawelpryse en volumes met hul onderskeie verwerkers.

Mnr P Malherbe bedank die Voorsitter, Bestuurder en Sekretaresse vir goeie diens gelewer.

9. BESPREKING VAN BEDRYFSAANGELEENTHEDE

Die Voorsitter rapporteer dat die oes wat verwag word min of meer dieselfde as die vorige seisoen sal wees behalwe Klein Brakrivier waar daar ten minste 'n 40% afname sal wees as gevolg van die droogte. Die onderskeie produksie areas het verskillende klimaatstoetande ondervind en dit sal 'n invloed op die tonnemaat van die komende seisoen hê.

Die markplek is baie stram. Die wisselkoers het 'n baie groot invloed op die verkope oorsee. Die nagevolge van die wêreldwye ekonomiese krisis word steeds in Suid-Afrika en internasionaal ondervind.

Uit bronne word verneem dat voorraad vlakke van ingemaakte koejawels, sowel as koejowel puree, steeds hoog is. Die hoë voorraad vlakke gaan heel waarskynlik 'n invloed op die vraag na koejawels vir verwerking hê. Dit is nog baie vroeg om 'n akkurate berekening van die grootte van die koejowel-oes op hierdie stadium te maak.

Die vraag na goeie kwaliteit koejawels vir die varsmark bly steeds goed. Koejawels ding mee vir die verbruiker se Rand met ander vars vrugte wat in dieselfde tyd op die mark is. Produsente word aangemoedig om goeie kwaliteit koejawels vir die varsmark te lewer.

Vraag en aanbod sal die prys van koejawels bepaal vir die komende seisoen.

'n Baie goeie bespreking oor bedryfsaangeleenthede vind plaas.

10. VERKIESING VAN DIE BESTUURSLEDE

Die Bestuurder, W Victor, lig die vergadering in dat daar geen nuwe nominasies ontvang is nie.

Die volgende persone sal die streke verteenwoordig.

Die Bestuur van die Vereniging word as volg goedgekeur.

2 STREEK	LEDE	PERSONE
Porterville	1	C C van der Merwe
Paarl	1	A J Joubert
Wellington / Dal Josafat	1	G R Joubert
Kraaifontein / Stellenbosch	1	J J P Uys
Mosselbaai	1	Billy Robertson
Addisionele Bestuurslede		Willie Visagie P J Malherbe

11. ALGEMEEN

10.1 BORGE

Wellington Fruit Processors word bedank vir die donasie van R3000 vir die huur van die saal.

Die Voorsitter bedank almal wat teenwoordig is.

Die vergadering verdaag om 18:10.

VOORSITTER

DATUM

Besoek ons Webwerf

www.guavaproducers.co.za

Ons webwerf is ook nou is Afrikaans beskikbaar

Skryf vir ons 'n briefie

victor@guavas.co.za

PAARL



Tel: +2
Fax: +2
Email: pa
Website: w

● RESTAURANTS
● ATTRACTIONS
 CELLARS OPEN
 BRANDY CELLARS